

《大乘起信論導讀》 補充講表

◎附表三十三：糅合《大乘起信論講義》、《大乘起信論演義》、《大乘起信論述記》

○復次，眾生初學是法，欲求正信，其心怯弱……懼謂信心難可成就，意欲退者。

◆可退中，初四句明行劣。是法，或指全論，或指五行，或止觀。依此以求正信，未經一萬劫，故未入住。其心怯弱，即懼正信難成。

◆次五句，舉處釋成懼退所以。以住此堪忍世界，五濁惡世，退緣頗多，自恐不能常值諸佛，親承供養，培植福慧；不但不能成就信心，反欲退失信心。

※《大乘起信論裂網疏》卷六云：「初學菩薩，已解一心真如、生滅二門，而修信行；但止觀力微，境緣粗惡；未入正定聚中，不能保其無退，故更示此勝異方便。」

○當知如來有勝方便，攝護信心；謂以專意念佛因緣……常見於佛，永離惡道。

◆論主欲喚醒欲退之人，乃曰：當知如來有殊勝方便，可以防退。方者，法也；便者，用也。如來八萬四千無量法門，無非方便，然念佛因緣為一切方便中之勝方便。

◆心具佛德，故曰：是心是佛；雖心是佛，不念不成，故曰：是心作佛，念佛即作佛也。

◆隨願得生他方佛土，願力通佛與眾生；他方，泛指清淨佛土；常見於佛，揀非佛前佛後。

※《大乘起信論裂網疏》卷六云：「今示念佛菩薩，即念他佛三昧。以念佛及菩薩，不生

妄想分別，即是止行；了知諸佛菩薩，有大神通巧便，能救拔我及諸眾生，即是觀行。所以修止觀時，設見佛菩薩形，知是魔事，不生取著。今念佛菩薩時，設更別商止觀，大似騎牛覓牛矣。然正念佛菩薩時，或得見佛菩薩，即應了知唯心所現，萬勿取著，勿生喜動，勿向人說。如遠公生平三見聖相，不語一人，此為要訣。唯至臨終見佛菩薩，方是感應道交，定非魔事，不必致疑。以佛菩薩得大神通，決定護念有緣念佛眾生，不失時故。」

○如修多羅說：若人專念西方極樂世界阿彌陀佛，所修善根……畢竟得生，住正定故。

◆上科泛論十方淨土，此科專指極樂淨土，故引經證他方淨土，亦即正說彌陀淨土。

◆即信願持名，以七日一心不亂之行，為殊勝方便，三根普被，五教通收。

※《大乘起信論裂網疏》卷六云：「十方諸佛，淨土無量；經論多指歸極樂者，略有四意：

一者阿彌陀佛，與此土人最有緣故；乃至窮村僻塢，若男若女、若長若幼、若智若愚，無不知稱阿彌陀佛名者。

二者法藏比丘願力勝故。諸佛果德雖實平等，因中願力任運攝生，無差別中有差別故。

三者令人繫念得專心故。若不專歎，則眾生既欲生西，又欲生東，心無一定，淨業難成。

所以十方諸佛，同出廣長舌相，讚此一門，令人專憶。

四者阿彌陀佛，即法界藏身，極樂世界，即蓮華藏海。故見一佛，即為見無量佛，生一土，

即為生無量土；念一佛，即是念一切佛，即為一切佛所護念。」參考附表十七、二十

※《大乘起信論裂網疏》卷六云：「以法身不二故，生佛不二故，能念所念不二故。一念

相應一念佛，念念相應念念佛，因該果徹，更無二故。」

◆小教機：稱名緣境念佛，可生極樂化土，而見化佛。

◆始教機：攝境唯心念佛，即攝極樂依正，會歸一心，故曰：唯心淨土，自性彌陀。極樂雖在十萬億土外，皆不出心外，心包太虛故，彌陀心同我心，攝土攝佛，皆在心中。唯心真義，唯大乘人知，小乘四果尚莫能測。

◆終教機：心境無礙念佛，即理事無礙，心即是理，極樂依正是事，理事融通，即是中道，故曰：心境無礙。

◆頓教機：心境俱泯念佛，即是真空，心境皆不可說。

◆圓教機：重重無盡念佛，能念之心，十界互融，所念極樂依報，即華藏世界，塵刹互融；彌陀正報，與塵刹諸佛，互為主伴，故念一彌陀，即念十方一切諸佛；念一極樂世界，即念十方一切世界。

◆隨心力之小大，皆得成就，但能事一心不亂，淨念相繼，必得蒙佛接引，往生西方。